

NSIN-IFIK ANDITIENE-CHRIST YE ANDIKAN

Job 17:9; Luke 9:62; Nwedi Mbon Colossae 1:3-23; 1 John 5:4; Eriyarare 2:7, 11, 17, 25-29; 3:5, 12, 21; 12:11; 21:7.

QYQH QKPEP-NKPQ 425

Eke Ikpọ Owo

IKQ IBUOT: “Idighe mbon nsọp-itọk ekan ke mbuba, inyuñ idighe mbon-uko ekan ke ekọñ, nte ke idighe mbon eti ibuot enyene udia, inyuñ idighe mbon ikike ekut inyene, inyuñ idighe mme ọfiọk nkppọ owo enyene itoro: koro ini ye unọmọ etibede enọ mmọ kpukpru” (Ecclesiastes 9:11).

I Usuñ Ndin en Owo

- 1 Enye omum usuñ esie akama, Job 17:9; Matthew 24:13; John 8:31.
- 2 Enye owuk enyin ese iso Luke 9:62; Nwedi Mbon Philippi 3:13, 14.
- 3 Enye akan crerimbot, obukidem, ye andidiok, 1 John 5:4; Eriyarare 12:11; Luke 10:19.
- 4 Enye osioño mfri, Nwedi Mbon Colossae 1:3-23; Mme Nke 11:30.

II Idorenyin Andikan

- 1 Enye eyeda kpukpru nkppọ enyene, Eriyarare 21:7.
- 2 Enye eyedi adaha ke Itie-ukpono Abasi, Eriyarare 3:12.
- 3 Enye eyedia eto uwem, ye ndibe manna, Eriyarare 2:7, 17.
- 4 Udiana mkpa idifiomoke enye, Eriyarare 2:11; 20:14; 21:8.
- 5 Enye eyekara mme idut, Eriyarare 2:25-29; 2 Nwedi Timothy 2:12.
- 6 Eyesine enye afia ọfọñidem, Eriyarare 3:5; 19:8.
- 7 Eyenyuñ ewet enye enyiñ Abasi Mi ke idem, Eriyarare 3:12.
- 8 Enye eyetie ye Christ ke ebekpo Esie, Eriyarare 3:21.

SE EKPEPDE EBAÑA

Ndifehe, Ndiñwana, Ndiwat Ubom

Paul ada Eti-mbuk ye uwem Anditiene-Christ odomo ye mbuba. Nko enye ada okodomo ye eñwan. Enye anam nnyin ifiok oto ke mme ikọ emi ete ke uwem Anditiene-Christ edi ekọñ. Erikan mọdo; edi nnyin imenyene erikan. Uwem Anditiene-Christ nko edi uwem nkqri. Nnyin ikemeke ndidop nda. Afo emekeme ndiwat ubom ntiene mbuot mmọñ, edi edieke afo ayakde udeñ fo onim, okposuk editiede fi nte amatuak ada, edieke afo esede mben mmọñ, afo eyekut ete ke imọ ke ikaka usuk mmọñ. Jesus ama etiñ ke Matthew 24:13, “Edi eyenyaña owo eke edimede ime tutu osim akpatre. Ndiyọ nso? Ndiyọ idomo, ndiyọ ọkposọñ ini, ndiyọ ini asua añwanade ye ukpọñ nnyin. Mme nsio-nsio eñwan ye mme nkari satan edi enọ owo ndisobo, edi erikan odu ọnọ owo eke ededi eke ọsọñode ada añwana.

Ndiñwana Ye Oyobio

“Edi edinen owo eyemum usuñ esie akama: ndien owo eke ubok asanade eyedioñ ọsọñ aka iso” (Job 17:9). Emi otim anam ekikere awat ubom añwana ke ini enye eyirede ke uwat esie nte ofum ye oyobio osuk afinade enye. Edinen owo omum usuñ esie akama onyuñ ototim ọsọñ akan.

Idaha ererimbot mfin osim itie idiok-nkppọ nte udoño mkpa, ndien enyene ndida mkpọsọñ ubok man ekok. Emi edi ntak emi nnyin iyomde mkpọsọñ ukworo-ikọ, mkpọsọñ mme andikworo ye mkpọsọñ mme anam-utom. Nnyin imoyom mme andiyire ke akam ye Abasi ke mme itie ubon akam.

Nnyin imoyom nditọ iren ye iban emi ekemede ndimum Abasi nnyuñ ññwana mbọk uwemeyo ye okoneyo ke ntak erinyaña ukpọñ mme anditak, ke ndibiat idiok-ñkpọ, ye ndiwai mme mkpọsọñ ebiet satan, ye ndibọp mme adaha nsinsi Itie-ukpono Abasi ke esit mme owo.

Mme Usuñ Efen

Kpukpru ukpọñ emi emanade obufa enyene ndikpep mbaña ndibe uwem anditiene-Christ. Ndusuk owo etọñọ ye mme ukwañ ukpep-ñkpọ. Mmọ ayak andidiok ada mmọ ọwọrọ ọkpọñ usuñ. Mmọ ekeme ndinyene ediwak “ññyeñe” nte Samson ekenyenede ke ini enye ama ọkọduok odudu esie, koro mmọ, ukem nte Samson, ema ewọñọre ekpọñ nnen-nnen ye mfafaha usuñ. Mmọ ema ayak akpanikọ ọbọhọ mmọ, mmọ ema ayak ikọ ọwọrọ osop ndien ekpọñ mmọ ukpọk, mmọ enyuñ ekabare etie nte mme nsiaha obube emi mikamake mmọñ.

Ñkpọ iduhe emi enyenede mbọm nte enye emi ama ọkọyọhọ ye uyama ifiopesit erinyaña ukpọñ ndien amakabare mme ukpọk obube mmọñ, ata nsiaha obube emi mmọñ miduhe. Eyak nnyin ikuyak ukpọñ nnyin enyene ndudu ye nsiaha man oto do eyọhọ nnyin ye Spirit Abasi.

Ndiñwum Mfri

“Abasi akpakam anam mbufo eyọhọ ye ifiok uduak Esie ke kpukpru eti ibuo ye ikike ke ñkpọ Spirit; man mbufo esaña ke ido nte odotde Ọbọñ, enem Enye esit ke kpukpru usuñ, enyuñ eñwum mfri ke edinam kpukpru nti utom.” (Ñwed Mbon Colossae 1:9, 10). Abasi inyeneke mme ñkpri eto emi Enye onimde ke iñwañ Esie nte ñkpọ mbana. Ọbọñ ọtọ mme eto Esie ye ntak, man mmọ eñwum mfri. Se ekpededi enọ nnyin, mme idaha nnyin, nda-mmana nnyin ekpekekpri, nnyin inyene ndiñwum mfri. “Mbuñwum Spirit edi ima, ye idaresit, ye emem, ye ime, ye mfọn-ido, ye eti ido, ye edinam akpanikọ, ye ifure-ifure ido, ye mfara ke idem; baba ibet kiet ibiọñọke oruk edu emi” (Ñwed Mbon Galatia 5:22, 23).

Jesus “akada mkpa Esie anam mbufo etie ke emem,” man Enye anam mbufo edi ndisana owo emi enanade ndo, emi owo minyuñ ikemeke nditiñ ñkpọ ndian, ada onim ke iso Esie. “Edieke mbufo eyirede ke mbuotidem enyene iwuk enyuñ esọñọ eda . . .” Owo ekeme nditọñọ, ndien kpa ye oro ọduọ ọkpọñ mfọn Abasi. Nte nnyin ikopde, “Edieke afo okurede, mmọ eyefiok ete afo ama-ọtọñọ; edi afo emekeme nditọñọ ndien ukureke.” Mbuk emi otode Ñwed Abasi tọñọ nte ekewet tutu ọsuhọre osim mfın owut ete ke mme owo ema eduọñọ ekpọñ mfọn Abasi ndien ke akpatre mmọ etak.

Abasi oyom ndida ukpep-ñkpọ emi otode Ikọ Esie ntim idiọñọ ke ukpọñ nnyin. Edi eti ukpep-ñkpọ ye eti ekikere ndinim ke akpanikọ nte ke owo ekeme ndikpu Abasi ke ini enye ama akanam emem ye Abasi ini kiet ko. Idighe eti ukpep-ñkpọ inyuñ idighe eti ekikere owo ndinam nte imọ ima ikọbọ mfọn Abasi ini kiet, ndien itọñọ ntak ikanam idiok ke imọ ke isuk idodu ke idak edisana mfọn Abasi. Peter, owo-mbet etin ọnọ nnyin ete ke ọkpọfọn ye mmọ ndikpetre ndifiok usuñ edinen ido akan ndifiok mma, ndien ewọñọre ekpọñ enye.

Suhọ Ye Enye

“Edieke mbufo esọñọde eda ke ikọ Mi, mbufo edi mbet Mi ke akpanikọ” (John 8:31). Mi, ikọ emi “edieke” enehere owut ete ke mme ñkpọ edu emi edade owo osim idaha mbet Jesus. Edieke nnyin ikade iso, edieke nnyin isọñọde iyire ke usuñ emi, nnyin idi mme anditiene-Christ. Adaña nte owo odude ke obio-ubọñ Satan, Satan ekeme nditre ndifina enye; edi yak enye enyene nsọñọ-nda ke Abasi onyuñ anam ofuri akpanikọ ke Ikọ Abasi emi osiode idiok-ñkpọ ofuri-ofuri ke uwem esie efep, ọbọ ata erinyaña, ndien enye eyekabare edi se Satan asakde iso eñwan esie ese.

“Baba owo kiet emi akabarede ese edem, ke enye ama ekessin ubok ke ufuñ-isọñ, ikemeke ndinam utom ubọñ Abasi” (Luke 9:62). Ke ini nnyin isinde ubok ke ufuñ-isọñ, ayak nnyin ika iso. Asaña – utom Abasi kiet emi ama ekebigi ke utom Abasi ama etiñ ete; “Ami mma mfuñ isọñ ke ini uyen mi, nnyuñ mfuñ isọñ emi edide itiat-itiat onyuñ ọyọhọde ye mme oruñ. Mme ọtọ-iñwañ efiok se emi ọwọrọde ndifuñ isọñ itiat. Ndusuk ini ñkpọ ufuñ-isọñ ekeme ndituaha ke itiat me oruñ, edi mmem-mmem ñkpọ ndisio fi nduok edieke afo mmumumke ñkpọ-ufuñ-isọñ emi ọsọñ ke ofuri odudu fo. Ke

ntre ka iso mum ekpededi ukot fo ọfionorede; ka iso mum edieke ikpat fo ekponde ison; ke nkpọ kiet eke ededi ka iso mum! Afo eyenyene Obio-ubon Heaven edieke afo anamde emi.”

“Mmọdo yak owo eke esede ete imọ imosonọ ida ekpeme mbak enye ediduọ” (1 Nwed Corinth 10:12). Paul ama ewet ke Akpa Nwed esie onọ Timothy, Ndusuk “ema eworo ekpon usuñ etiene Satan.” Ke udiana Nwed emi Paul ekwetde onọ Timothy, enye ama enyene ikọ mfuhọ emi ndisin “koro Demas omkpom mi, sia enye amade eyo emi odude ke emi.” Demas ekedi owo utom kiet ke otu mbon utom esie. Mmọ ema enam utom ke ebuana kiet; mmọ ema enwana ekon otọ kiet, edi ke emi, “Demas omkpom mi sia enye amade eyo emi odude ke emi”.

Eti-mbuk Jesus Christ edi oyohọ Eti-mbuk, Enye ada fi esin ke nnen-nnen usuñ, onyũ anam fi odu uwem edinen-ido ke ukpono, asana onyũ enen. Enye inamke fi ada isio. Enye anam fi okop idem, onyũ edi enyene ibuo erenowo me anwan. Mfon Abasi ke ukpon fo anam emi.

Mme Adaha

“Owo eke akande, nyenam enye edi adaha ke temple Abasi Mi” (Eriyarare 3:12). Eyak nnyin ibon akam man Abasi anam nnyin idi adaha ke ufok Obon. Ekeme ndidu mme nkpọ emi enamde ufok Obon eye, edi emi ke editim ntiñ itim idighe akpan nkpọ. Afo emekeme ndisio utom emi ediode ke ubok ye enye emi etim enamde eye efep, edi ufok ekeme ndisuk ndada edieke mme adaha esuk edude. Edi, edieke afo osionode mme adaha efep, ufok emi eyedu. Eyak nnyin ibon akam man Abasi anam nnyin idi nsinsi adaha ke ufok Obon man oto do nnyin ikeme ndika iso nda ke ini Jesus edidide ndida nnyin nka ke Obio-ubon Esie.

Abasi eyekpono mbuotidem nnyin, ediyak idem nno, ye nsin-ifik nnyin. Nte nnyin isanade ibe ke ikañ, enye iditaha nnyin, nko nte nnyin ibede ke mmom, mmọ idifukke nnyin. Kom Abasi, emi edi enwon. “Enwana ye Satan, ndien enye eyefehe okpon mbufo.” Nwana ye idomo, ndien enye eyefehe okpon mbufo.” Nwana ye idomo, ndien enye eyebe. Eyak nnyin ida ke akpaniko Abasi; eyak nnyin ida ke mme inua ikañ inyũ ikut erikan. Emi ana onọ kpukpru ndito Abasi emi edide ufok Abasi Mme Andikan.

MME MBUME

- 1 Eda uwem anditiene-Christ ekedomo ye nso?
- 2 Erikan oworo nso?
- 3 Siak mme enwon nte ekekeme emi enimde eno owo emi akande.
- 4 Nam anwana oruk itie emi andikan enyenede ke ukara Christ.
- 5 Emi oworo nso, ndisine afia ofon-idem?
- 6 Nso idi ntak emi anditiene-Christ okposode idem?
- 7 Nso idi mme ndusuk usuñ emi ekemedede ndida anditiene-Christ nwaha nkpom usuñ?
- 8 Nso idi ndusuk mme mfri ke uwem anditiene-Christ?
- 9 No uwut nkpọ kiet ke Nwed Abasi emi owo akafiakde edem.
- 10 No mme ntak emi otode ke ikọ Abasi emi anamde afo ekere ete ke edi mmem-mmom nkpọ owo emi ema ekenyana ini kiet ko nditak.